


辽宁教育史志资料

LIAONINGJIAOYU  
SHIZHIZILIAO

辽宁省教育志编纂委员会编

辽宁大学出版社



# 目 录

## · 古代教育 ·

辽宁古代教育略史·····	( 1 )
辽代之前的辽东诸族文化·····	( 1 )
辽代的文教及学制·····	( 1 )
金代的文教及学制·····	( 2 )
元代兴学及学校·····	( 4 )
明代辽东建学之始与学校·····	( 5 )
明代辽东书院·····	( 11 )
明代学制·····	( 14 )
清代教育简况·····	( 19 )
清代奉天地区宗学·····	( 19 )
清代八旗官学·····	( 20 )
清代奉天地区儒学、社学 义学·····	( 20 )
清代书院·····	( 26 )
清代学制·····	( 30 )
义州聚星书院·····	( 36 )
锦州凌川书院·····	( 41 )
宁远柳城书院·····	( 44 )
奉天历代科举名录·····	( 46 )

## · 清末兴学堂后的教育 ·

清末新学制沿革·····	( 260 )
清帝诏改八股取士旧制 (1898年) ·····	( 271 )
清帝谕各省府厅州县设立学校 (1898年) ·····	( 271 )
新旧学制交替时期的辽宁教育·····	( 272 )
兴学堂后提学使司之设置·····	( 276 )
学部奏为遵旨设立各府厅州县视学官 拟请停止教职銓选摺 (1907年) ·····	( 277 )
奉天学务公所职员统系图 (1908年) ·····	( 278 )
奉天省学务公所员司衔名一览表 (1908年) ·····	( 279 )
奉天学务公所附设之教育机关·····	( 280 )
奉天各属劝学所之创设·····	( 281 )
奉天省各州县劝学所一览表·····	( 282 )
废科举后新制学校之创办·····	( 264 )
兴学后之学款·····	( 289 )
兴办学堂后各级学校管理规程·····	( 287 )
兴办学堂后各级学校课程设置·····	( 288 )
奉天省学务统计表 (1908年) ·····	( 290 )
光绪二十九年 至三十四年奉天省学堂历年 增减比较表·····	( 291 )
奉天省各项学堂学生简明数目表 (1908年) ·····	( 292 )
光绪二十九年 至三十四年奉天省学堂学生 历年增减比较表·····	( 295 )
奉天省各项学堂按教员名数平均计算表 (1908年) ·····	( 296 )

奉天省学龄儿童及已就学者统计表·····	( 297 )
奉天小学堂之创设·····	( 300 )
奉天省初等小学堂一览表 (1908年) ·····	( 300 )
奉天省高等、两等小学堂一览表 (1908年) ·····	( 303 )
奉天省城第一至第十两等小学堂·····	( 310 )
育英两等小学堂·····	( 311 )
维城小学堂·····	( 311 )
八旗公立高等小学堂·····	( 311 )
奉天陆军小学堂·····	( 312 )
奉天中学堂之创立·····	( 312 )
奉天省中学堂一览表 (1908年) ·····	( 312 )
学部专门司咨复东督奉天省满蒙文学堂	
只应办至中学止文·····	( 313 )
奉天崇实中学堂·····	( 314 )
奉天省女学堂一览表 (1908年) ·····	( 314 )
奉天大学堂之沿革·····	( 315 )
官立商业学堂·····	( 315 )
奉天高等实业学堂之创建·····	( 316 )
奉天筹边学堂之沿革·····	( 316 )
奉天农业学堂·····	( 316 )
奉天仕学馆·····	( 317 )
奉天政法学堂之成立及仕学馆之归并·····	( 317 )
旗员仕学馆·····	( 318 )
方言学堂、高等学堂之沿革·····	( 318 )

方言肄习所·····	( 318 )
奉天各师范学堂之创办·····	( 318 )
体育美术专修科·····	( 319 )
游学预备学堂·····	( 319 )
清末国内外专门以上学校毕业生名录·····	( 319 )
格致测算专修科·····	( 338 )
公立女子美术学校·····	( 338 )
奉天省半日学堂、蒙养院一览表(1908年)·····	( 339 )
奉天省宣讲所一览表(1908年)·····	( 339 )
奉天省教育会一览表(1908年)·····	( 342 )
盖平《士林纪念》碑文(1908年)·····	( 345 )
官立女工传习所·····	( 346 )
鸦片战争到清朝覆灭辽宁高等学校沿革情况综述·····	( 346 )

#### · 沙俄殖民教育 ·

沙俄在旅大殖民地所进行的奴化教育·····	( 348 )
1900—1901年关东州统治状况有关沙俄	
阿列克赛耶夫总督上奏文·····	( 349 )
沙俄统治时期旅大的教育状况·····	( 352 )
俄国在大连设立的学校·····	( 353 )
沙皇统治时期的大连市教育·····	( 353 )
帝俄统治时代的教育·····	( 353 )

## 辽宁古代教育略史

礼曰：建国君民，教学为先，邇治之道此为要矣。辽东古属青、冀二州之域，秦汉虽曾设郡统治，而庠序之教未遑及也。汉末管宁、王烈避难来居，讲诗书、陈俎豆、饰威仪、明礼让、教化所及止于乡邑，榛狉之风未尽变也。晋时慕容廆都棘城曾兴学，而以平原刘瓚为东庠祭酒。隋唐武功远及辽海，戎马之外未暇兴学。契丹立国武功颇盛，惟载籍阙略，养士之典未详旁稽他书，教育之制亦可略见一斑。金源崛起，自创女真文字，用以教化。迨章宗大定十九年，始议兴学，遂计州府户口，增养士之数，学制渐立规模矣。元代继起，诸路立学，文庙旧址至今犹可考稽。朱明混一之后，于辽东设都指挥使司，统辖诸卫。整治武备，兼修文教。于是儒学书院遍于各卫，育材课士得人，称最盛焉。有清定鼎燕京，以盛京为陪都，重熙累洽，文化诞敷，所有社学、义学、书院规制尤为扩充。光绪末叶，罢科举，设学堂，明定教育宗旨，学制因而一变。惟值庚子变后，民生凋敝，财力竭蹶，擘画经营，创始匪易。又遭甲辰日俄战后，教育重受摧残。至光绪三十年后，激励振奋，不数年间，学校次第成立。以视内地各省，未遑多让。近顷，则教育宗旨屡经更定，全省学校日益普及。而教育精神则以智育、体育、德育为指归，并侧重实业。普通中学之外，于农、工、商各专门教育，尤加提倡。人材蔚起发达，正未有量也。

《奉天通志》卷一百四十九（责任编辑 洪深）

### 辽代之前的辽东诸族文化

满州源流考：肃慎之世，仿佛结绳。夫余礼教渐兴，会同俎豆之仪，同于三代。百济、新罗文采蔚焉，与隋唐使命往来，兼擅词章之美。泊渤海兴，而文物声明臻于至盛。经契丹兵燹，名教大族转徙他州，而淳朴之风遂钟于完颜部，人无外慕，道不拾遗、依然肃慎之旧矣。至字书，则百济、新罗、渤海沿用汉字，金初尚用契丹字，至金太祖始制女真字，颁行天下。熙宗又制女真小字，用以译经史。试科举。至蒙古字行，而女真字遂中辍。明秘阁书目，尚载有女真字母一书，今已失传。赵燏石墨鏤华所录，其石刻虽在陕西，第果否当时所刻，或后人依仿摹勒，皆未可定。清太祖创制满洲书，精详简括。虽言语与旧俗不殊，而文字实不相沿也。

《奉天通志》卷一百四十九（责任编辑 洪深）

### 辽代的文教及学制

**文教：**后唐天成三年，王晏球等获契丹绢书二封来进。明宗命宣示群臣，莫有识其文字者。契丹本无文记，惟刻木为信。汉人陷蕃者，以隶书之半就加增减，撰为胡文。

同光之后，稍稍有之。（《五代史会要》）。

辽起松漠，太祖以兵经略方内，礼文之事固所未遑及。太宗入汴，取晋图书礼器而北，然后制度渐以修举。至景盛间，则科目聿兴，士有由下僚擢升侍从。颯颯崇儒之美，但其风气刚劲。三面邻敌，岁时以搜狩为务，而典章文物，视古犹阙。（《辽史·文学传》）

按：辽起边塞，朴鄙无文。及太宗得石晋之燕云十六州，始与中国文化相接触。至圣宗与宋盟好，使命交通。由是中原文学之士，仕于其朝者日众。因而舍弃旧俗习尚儒学，学校科目之制乃渐以兴起矣。

**学制：**圣宗开泰元年十二月，归州言其居民，本新罗所迁，未习文学，请设学以教。许之。（《续文献通考》）

按：辽归州，属东京道治归胜，金废。今奉天盖平县西南九十里有归州。

道宗清宁元年十二月诏：设学养士，颁五经传疏，置博士、助教各一员。（同上）  
辽制，五京设太学外，诸道州县皆设学。（《辽史》）

按：辽史地理志，东京辽阳府，即今辽阳地方所属州县。既皆设学，当时教育之盛，可以想见。特辽史阙略，制度未详，为足憾耳。

又：据辽史百官志，府州县学，皆有博士、助教。是官师之制，又见一斑矣。

#### 附录

王圻续通考：辽太祖时，置上京国子监祭酒、司业、监丞、主簿。时南京立太学。圣宗统和九年八月，以南京太学生员浸广，特赐水碓庄一区。道宗清宁五年诏，设学养士，颁五经及传疏，置博士、助教各一员。六年六月中京置国子监。

宣府镇志：契丹初兴，惟尚武艺。燕赵间学校，俱仍唐旧，间罹兵燹，十存二三。取用文士，多由是奋。兴宗重熙五年，始御元和殿，以日射三十六、熊赋、幸燕诗，试进士于廷，著为令式。至道宗乃诏设学养士。于是有西京学，有奉圣、归化、云德、宏蔚、妨儒等州学。各建孔子庙。颁赐五京诸家传疏，令博士、助教教之。属县附焉。（历聘辽史拾遗曰：此但据西京诸州言之，五京诸州俱有学。）

契丹国志：太祖龙兴朔漠之区，倥偬干戈，未有科目。数世后，承平日久，始有开辟，限以三岁，有乡、府、省三试之设。乡中曰乡荐，府中曰府解，省中曰及第。有秀才未愿起者，州县必根刷遣之。程文分两科：曰诗赋，曰经义。魁各分焉。三岁一试进士。

《奉天通志》卷一百四十九（责任编辑 洪深）

## 金代的文教及学制

**文教：**金完颜希尹，本名古绅。太祖命撰本国字备制度，希尹乃依仿汉人楷字，因契丹字制度合本国语，制女真字。天辅三年八月书成，太祖大悦，命颁行之。其后熙宗亦制女真字，与希尹所制字俱行。用希尹所撰，谓之女真大字。熙宗所撰，谓之小字。（《金史》）

世宗二十三年八月，以女真字孝经千部，分赐护卫亲军。九月译经所进所译易、书、论语、孟子、老子、扬子、文中子及新唐书，上谓宰臣曰：朕所以令译五经者，正欲女真人知仁义道德所在耳。令颁行之。二十八年四月，命建女真大学。（同上）

大定十一年，创设女真进士科。初但试策，后增试论。用女真文字以为程文，就其所长以收其用。又行国字，使通习而不废。（《金史·选举志》）策论进士，女真人之科也。始大定四年，世宗命颁行女真大、小字所译经书，每穆昆选二人习之。寻欲兴女真字学校，明安穆昆内，多择良家子为诸生。诸路至三千人。九年，选异等者得百人，荐于师，廪给之。命教以古书，作诗策。后复试，得图克坦懿以下三十余人。十一年，始议行策选之制。至十三年，始定每场策一道，以五百字以上，咸免乡试、府试、止赴会试、御试。且设京师女真国子学，诸路设女真府学，拟以新进士充教授，以教士民子弟之愿学者。（同上）

凡府试策论进士，明昌元年，添北京、西京、益都为七处。凡咸平、隆州、博索、东京、盖州、懿州者，则赴咸平府试。（同上）

凡词赋、经义进士及律科经童府试之处，明昌初增辽阳、平阳、益都为九处。上京、东京、咸平府等路，则试于辽阳府。（同上）

**学制：**据金史选举志，世宗大定四年，立诸路女直学。以女直大小字译尚书颁行之。择明安穆昆内良家子弟为诸生，诸路至三千人。九年取其尤俊秀者百人至京师，以编修官温特赫吉达教之。十三年，诸路始设女直府学，以新进士充教授，以教士民子弟之愿学者。凡取府学生之制，每穆昆取二人。若宗室每二十户内无愿学者，则取有物力家子弟十三以上、二十以下者充。凡会课三日，作策论一道。季月私试。大定二十九年，上封事者乞兴学校，下尚书省集百官议。户部尚书邓俨等谓：唐太宗养士至八千人，亡宋两学五千人。今策论、词赋、经义三科取士，而太学所养止百六十人，外京府或止十人，天下仅及千人。今若每州设学，专除教授，月加考试，每举所取数多者，赏其学官。月试定为三等，籍之。一岁中频在上等者，优复之。不率教行，恶者黜之。庶几得人之道也。帝从其议。遂计州府户口，增养士之数。于大定旧制，京府十七处千人之外，置节镇防御刺史州学六十处，增养千人。各设教授一员，选五举终场，或进士年五十以上者为之。府学二十有四，学生九百五人。又府州学二十二，属东京、咸平各路者计：

辽阳三十人，教授一员。咸平二十人，教授一员。广宁二十人，教授一员。博索府学教授一员。盖州府学教授一员。兴中府学二十人，教授一员。

金史百官志：诸府教授一员，诸节镇州教授一员，诸防御州教授一员。

至于课士之法及学校规程，据金史选举志：大定十六年，定经学课士之制。凡经易则用王弼、韩康伯注书，用孔安国注，诗用毛萇传、郑玄笺，春秋左氏传用杜预注，礼记用孔颖达疏，周礼用郑玄注、贾公彦疏，论语用何晏集注、邢昺疏，孟子用赵岐注、孙奭疏，孝经用唐玄宗注，史记用裴驷注，前汉书用颜师古注，后汉书用李贤注，三国志用裴松之注，及唐太宗晋书，沈约宋书，肖子显齐书，姚思廉梁书、陈书，魏收后魏



书，李百药北齐书，令狐德棻周书，魏征隋书，新旧唐书，新旧五代史，老子用唐玄宗注疏，荀子用杨倞注，杨子用李轨、宋咸、柳宗元、吴秘注。皆自国子监印之，授诸学校。凡学生会课三日，作策论一道。又三日，作赋及诗各一篇。三月一私试，以季月初先试赋，间一日试策论。中选者以上五名申部。遇旬休，节辰皆有假，病则给假，省亲远行则给程。犯学规者罚，不率教者黜。遭丧百日后，求入学者，不得与释奠礼。

其养士之法，据续文献通考：自章宗泰和元年九月，定贍学养士法。生员给民佃官田人六十亩，岁支粟三十石。

《奉天通志》卷一百四十九（责任编辑 洪深）

## 元代兴学及学校

据元史选举志：太宗始定中原，即议建学，设科取士。又世祖本纪：中统二年九月，翰林院学士承旨，王鹗请于各路选委博学老儒一人，提举本路学校，特诏立诸路提举学校官，以王万庆、敬铉等三十人充之。凡诸生进修者，严加训诲，务使成材，以备选用。又选举志：至元六年秋七月，置诸路蒙古字学。十二月，中书省定学制颁行之。命诸路府官子弟入学，上路二人，下路二人，府一人，州一人。余民间子弟上路三十人，下路二十五人，愿充生徒者，与免一身杂役。以译写通鉴节要，颁行各路以肄习之。又世祖本纪：七年夏四月壬午，设诸路蒙古字学教授。又续文献通考：大德四年，添设学正一员。上至国学，下至州县，举生员高等者，从翰林院考试。凡学官译史取以充焉。五年十月又定生员，散府二十人，上中州十五人，下州十人。又仁宗本纪：二年春正月己未，置辽阳行省儒学提举司。

元史世祖本纪：大司农司所上诸路学校之数，至元二十三年二万一百六十六所，二十五年二万四千四百余所，二十八年二万一千三百余所。

元史选举志：凡师儒之命于朝廷者，曰教授，路府上中州置之。命于礼部及行省与宣慰司者，曰学正、山长、学录、教谕，路州县及书院置之。路设教授、学正、学录各一员，散府、上中州设教授一员，下州设学正一员，县设教谕一员，书院设山长一员。又续文献通考：凡路州府书院，设直学以掌钱谷，从郡守及宪府官试补。考满，升学录、教谕，录谕升正长，正长升教授。凡正长、录谕、教授或由集贤院及台宪等官举充之。教授之上，各省设正副提举各一员，提举学校之事。其后，直学考满为州吏，例以下第举人充正长，备榜举人充录谕。有荐举者，亦参用之。自京学、州县学以及书院，凡生徒之肄业于是者，守令举荐之台宪考核之。或用为教官，或为吏属。往往人材辈出焉。

按：据元史本纪及选举志所载，元于各路府州县皆设学校，数至二万四千四百余所之多。中书省又定学制颁行，是当时教育制度必极详备。第学校地址史无明文。仅仁宗本纪载有辽阳行省儒学提举司之设耳。今据辽东志建置志所载，则辽东元代儒学遗址犹有可考者，分列于后：

辽阳都司学，注云：元儒学旧基在都司后。

广宁卫学，注云：金辽以前莫考，元置广宁府路儒学旧址在广宁右卫西北，元季毁于兵。

义州卫学，注云：先代无考，大德间有加封先师碑。

三万卫学，注云：元有文庙旧址，在今三万卫北街有大德加封碑记。

广宁中左屯卫学，注云：前代无考，成化间于城隍祠得元加封先师碑，故知为文庙旧址。

附：元加封大成至圣文宣王碑

盖闻先孔子而圣者，非孔子无以明。后孔子而圣者，非孔子无以法。所谓祖述尧舜，宪章文武，仪范百王，师表万世者也。朕纂承丕绪，敬仰休风，循政治之良规，举道封之盛典。加号大成至圣文宣王。遣使阙里，祀以太牢。于戏！父子之亲，君臣之义，永惟圣教之尊；天地之大，日月之明，奚罄名言之妙。尚资神化，祚我皇元。主者施行。大德十一年秋七月立。

《奉天通志》卷一百四十九（责任编辑 洪深）

## 明代辽东建学之始与学校

明太祖起身戎马，以武力定天下。即位之初，深知致治之道，首在教化，故海内粗定，即议兴学。初年诏曰：惟致治在善俗，善俗视教化。教化行，虽闾阎可化为君子。教化废，中材不免于小人。（《春明梦余录》）其言可谓得治道之要矣。于是建国子监于京师，以元国子生梁贞为太子宾客兼祭酒，掌监事。令功臣子弟入监读书。仿周制以六德六艺训迪，务底于成。洪武二年十月，又诏天下府州县皆立学校。谕中书省臣曰：古昔帝王育人材，正风俗，莫先于学校。至元而其弊极矣，上下之间波颓风靡，学校虽设，名存实亡。兵变以来，人习战争，惟知干戈，莫识俎豆。朕惟治国以教化为先，教化以学校为本。京师虽有太学，而天下学校未兴，宜令天下郡县皆立学校。延师儒授生徒，讲论圣道，使人日渐月化，以复先王之旧（《明史·选举志》）八年正月，诏天下立社学曰：昔成周之世，家有塾，党有庠，故民无不知学，是以教化行，而风俗美。今京师及郡县皆有学，而乡社之民未覩教化。有司其更置社学，延师儒以教民间子弟，导民善俗，称朕意焉。于是乡社皆置学，令民间子弟兼读御制大诰，及本朝律令。（《续文献通考》）十五年五月，颁禁例于天下学校，镌勒卧碑置明伦堂左。不尊者，以违制论（见下学制条内）自是学校规模始备，人材彬彬称盛矣。惟是辽东僻在边陲，都指挥使司所属州卫凡二十余，教化未兴，民风鄙塞，兴学育材，储为边备，在势不可缓也。乃于洪武十七年十一月，创立辽东诸卫学。诏谕礼部曰：近命辽东立学校，或言边境不必建立。夫圣人之教犹天也，天有风雨霜露，无所不施，圣人之教，亦无往不行。昔箕子居朝鲜，施八条之约，故男遵礼义，女尚贞信。管宁居辽东，讲诗书，陈俎豆，饰威仪，明礼让，而民化其德。曾谓边境之民不可以教乎。夫越与鲁相去甚远，使越人而居鲁，久则必鲁多。鲁人而居越，久则必越多。非人性有鲁越之异，风俗所移然也。况武臣子弟久居边境，鲜

闻礼教，恐渐移其性，今使之诵诗书，习礼义，非但可以造就其才，他日亦可资用。自后各卫以次皆设学。（《续通考》）仁宗洪熙元年六月，广宁中屯卫军士冯述奏：三万、沈阳、广宁、义州诸卫，请比洪武中定辽等五卫例，并立学校，下部议之，此有明辽东立学之始也。计各卫所学校之可考者，分列于后：

### 学校

#### 辽阳都司学

明一统志：在司治东南，洪武十四年建。正统十一年修，景泰五年重修。

辽东志：前代无考，元儒学旧基在都司后。洪武辛酉开建今地。壬戌都指挥潘敬、叶旺创建庙宇，高广建学舍。永乐壬辰，都指挥巫凯塑先师以下像。正统丙寅，都督王祥重修。景泰癸酉，御史谢廉建尊经阁。成化辛卯，副总兵韩斌重修。乙未，御史潘宣改造祭品。弘治壬子，御史宋鉴建四斋、东西号房。癸丑，凿泮池。戊午，御史罗贤改建棖星门。辛酉，御史车梁建尊经阁。正德乙亥，御史刘成德修庠像，设雅乐。嘉靖乙丑，御史王重贤拓其南方，垒石为山，凿泮池。嘉靖甲午，御史常时平开拓尊经阁后地基数十丈，增置尊经阁五间。嘉靖丁酉，御史史褒善重修殿庠、堂斋、泮池、三面坊碑。

吕原都司庙学碑记云：皇明奄旬区夏，偃兵息民，自京都达于郡县，莫不建学立师。其或设武卫而无郡县者，亦莫不有学。何其盛也。粤稽三代，学校与军旅常相关焉。故王制云：天子将出征，受成于学，执有罪反释奠于学，以讯臧告。鲁颂云：既作泮宫，淮夷攸服。亦见文武之道合而一也。后世弗循古典，文武之教，歧而为二事。于武者诋文士为迂阔事，于文者陋武士为龌戾。有国家者，亦或别立武学，而以前代名将祀。是岂知学校、军旅相关，而文武无异道哉。今辽阳都司治，即舜营州之域。秦汉时已为郡县，唐置都督府，辽置东平郡，金置辽阳府，皆以为京。元为辽阳路，置行省焉。国朝混一之初，设都指挥使司，以统诸卫。顾惟武功修，而文教不可以缓也。遂于洪武辛酉，命都司建学。是年都司官鳩工庀材，创立黉宫。越明年壬戌，建大成殿、两庑、戟门。戊寅重建明伦堂，志道、据德、依仁、游艺四斋，神厨、射圃。永乐壬辰，始绘圣贤像，規制固已略备矣。景泰癸酉，御史谢君廉建高阁四楹。于明伦堂后，构屋二十间，为诸生藏修所。天顺戊寅，御史桂君怡为瓮于两庑。己卯，御史田君景暘再加整葺，蠹者芟之，坏者补之，漫漶者新之，焕然完好。辽东学校莫有过焉者矣。夫事有似缓而实急者，学校是也。辽东之地，屯营戍以控夷，持宪节膺闾寄者，率以甲兵钱谷为职，又奚暇计学校之兴替哉。今诸君取常情所缓者而急之。诗书礼乐三纲五常皆于是乎讲明，非特衿佩诸生得以从容涵泳，而介冑之士亦得踊跃歆慕。彝伦彰，而风俗美，人材之出者，文以饰治，武以御侮，所谓文武一道，于是乎见矣。昔君尝与山东按察司僉事胡君鼎、李君琮、右参将都督僉事刘君端曰：学校兴，人材盛。今规制备而无所垂示，何以启来者继兴于有永乎。僉喆之，都指挥使夏君霖、同知宁君荣僉事巫君英力赞之。乃以训导张升所述始末，走书币来京请为之记。遂书此，俾勒诸石焉，天顺己卯六月立石。

查应兆增修学宫碑记：嘉靖庚寅岁，侍御古瀛朱公孔阳，观风辽左，宪度聿修，

兼董学政，不振教化。一日诣闾司学官曰：厥惟养贤，是取诸易之颐，颐之义大矣哉。盍备诸。乃视宫路，维南有山。初成，屹而拱。曰：胡为乎童哉！布令载筑栽培，繁植草木，高下错列，英华炳若。盖取诸贲，贲者饰也，文之敷也。其曰：文明以止人文也。又曰：君子以懿文德，美哉其形而著乎！见山下有沼，惟坎。曰：胡为乎燥也？于沼之傍，爰卜其泉，爰凿其井，以汲以引，勿幕有孚水乃鍾。盖取诸大畜，畜者，大畜受也。甃井者，修也。引而靡竭者，习也。君子多识前言往行，以畜其德，渊哉其本乎！见堂室以后无间，叹曰：奚若是隘？隘匪君子所由。迺相宫址，迺购民居，既僻既广，俾之宽衍。盖取诸益，益者，益所未充也。其曰：益德之裕也。又曰：宽以居之，言优优如也。博哉，其恢恢乎有余也哉。又拟形以肖名，以山为龙颡，池为龙吻，两井为龙眼。法变化也。作亭以覆梁，颡曰：仰高。以山巍巍，譬道峻极。颡圣模也，曰：景行。以路荡荡，譬道归极，遵洪范也。夫明王设校，以布经训。宪臣推广，以宣德意。图养育俊髦，卒于成学。是故文学之舆也，畜学之器也，宽学之廓也，仰学之则也，景学之履也，变学之融也。用是以养，养道斯备。夫养成之学以致用也，龙体之变以时动也。故曰颐之义大矣哉。侍御公代后以设教，尚象以尽意，鼓舞以立方，其至矣乎！今兹多士，朝夕是游，当观象、思体、玩义、舞绎，图惟不悖，以全厥学。若时登庸，期为国华，为令器，为弘基，为嶽，为遼，为龙，为光。随地而见，以验厥学。斯无黍国典，无负宪令。多士其勗哉！教取刘纪、张岩、杨鹏暨诸生王尚说辈三百余人，闻余言拜而受之，请勒诸石。嘉靖九年六月立。

冯时雍庙学重修记云：丙申冬十二月九日，澶渊史柱史奉命来按辽左。越三日，率诸僚谒文庙。礼成，乃升阶周旋。回视殿宇庑廊，楹桷摧颓，瓴壁败脱，廉椽不偶，丹雘磨灭，砌阑靡泐，棂星东敬。既而折旋斋舍，屋倒壁倾，鞠为茂草。乃登堂进诸生语曰：学校教化本原之地，朝廷所以毓人才，责治效于后日。顾如此，甚弗称斯，典守者之羞也，俟徐图之。诸生皆诺。阅丁酉春三月，柱史乃按金复诸州。既返，广宁诸部沿边镇堡，靡不披历。由是抵辽，凡录冤赈穷，摘奸遂良，阅武较文，事既周至，乃申告于守巡三司曰：文庙之废坠甚矣，失今不治，将遗士庶之忧，盍亟图之。遂授之略，诸司领命唯虔，乃选文武之良，以综理其事。即日召匠氏，物士抡材，输陶取砺，征役于籍，需财于府，而不泛不滥，仅三阅月而工毕。适秋祀上丁之辰，柱史复率诸寮承祀事。但见殿宇庑廊焕然整饬，礼乐衣冠秩然就列。神、人于是乎胥悦，而礼成焉。翌日，即有开原之行。时，署教事陈洪范率诸生走公署，请于予曰：庙学之废久矣，今复更新，诸生乐育有地，愿征一言以志不忘。予备员苑寺，目覩其事，不能辞。乃为之记。夫天下之事，成其始者，未必能保其终之不敝，保其终者，实所以能成其始之维新。斯二者互相为用，要其存主，则同一重道崇文之意也。辽左文庙之创，始于洪武十七年。百五十年于兹，凡三为修饰。是役也，柱史岂得已哉。盖尝见夫公署之创于有司者，始则规模宏丽，岁久能无敝乎。典守者顾不亟为之，坐视大败，不可收拾。乃极力穷土木，搜财用，工甫毕，而民亦劳止矣。盖惟念罔在民，役志他图，故乐因循，而阴以筹己之私，而明以罔人公论，将准予乎。是故春秋之法，祥瑞不书，独于土木之工必

书。何也？劳民动众，国之重事也！必书之者，见是役之兴，必不得已也。不然，则必在新不予也。辽左庙学之废久矣。久则愈敝，不亟为之，劳民伤财，容有纪极。予故知是役之兴，柱史甚不得已也，虑深而忧长也。乃若云中之弄兵，二镇之告急，纲维斯彻，万目就瞶。民之弗恤，而赋役繁兴。是岂独下之罪哉。予故僭书此，以为擅兴土木之役者之鉴。是为记。

#### 广宁卫学

明一统志：在中卫治北。旧在右卫治西，洪武二十七年重建，正统六年徙建于此。

辽东志：辽金以前莫考，元置广宁府路儒学旧址，在广宁右卫西北，元季毁于兵。国朝设儒学，仍旧址焉。正统辛酉，都御史王翱改建于镇东堂之右。成化间，都御史滕昭、彭谊，参议尚纲，郎中毛泰，重加修葺。巡按御史王嵩新造祭器。弘治间，副使李贡添设乐器。正德间，都御史刘宪复增号舍，新制泮宫。嘉靖戊子都御史潘珍，复凿泮池于棂星门外。长六丈，阔三丈。引大惠泉注之。

王英广宁建学碑记：诏守广宁征虏前将军中军都督同知曹义创建儒学。义受命唯谨，捐己贲募工，取材伐木、石陶瓦壁，百费皆具。迺相地得镇城谯楼之右，厥土高爽，创夫子庙、两庑、棂星及明伦堂、斋舍、府库之属。而庙与庑列圣贤之像。制度弘伟，焕然一新。初广宁无学校，义与参将胡源、刘端奏请建学立师，以教导其人，遂得请。义等迺竭力经营。会都察院左副都御史王公翱以总督兵务至广宁，曰：立学兴教，事不可缓。飭励诸将校亟成之。八年秋七月，教授郑祥、训导卢茂谋刻石以纪功。而王公具其始末，属予为记。广宁古幽州地，迨元置广宁路。其地广袤，守以重关，峙以叠嶂，缭以大海。昔时汉胡杂处。人性犷悍，冠裳异制。习俗尚武，争以射猎为生，诗书礼乐之教，蔑然不闻也。我太祖高皇帝以圣德膺天眷，以神武定四方。汛扫残胡，统一华夏。拓辽地，置兵卫，守以大将。列圣相承，文谟武烈，重光昭宣边城，万里烽墩无警。圣天子嗣天历服，德教弘敷，仁恩覃布，民物阜安，蛮夷宾服，治教底于太平，而辽之诸卫兵强将勇，所守益固。乃创学宫于广宁，使山海之区，其人益知尊圣人之教。以敦礼义，笃忠孝，务仁信，而风俗归厚焉。呜呼盛哉！初始之功，盖超越乎前古，而贻谋则及于永久者也。广宁之人与其将士，必率循其教，而为师必大振其道。庶几无负于立学之意也。故于学成，宜书其实以示后来。乃不辞而记之。王公，字九臬，以都宪理兵事，政令严肃，诸将校用奋扬威武，边隅以宁。又以兴学为先务。义，字敬方，为将有勇略，于学之建有劳力，皆可记也。故并为之书。

#### 广宁右屯卫学

明一统志：在卫治西北，景泰三年建。

辽东志：新建学在卫治东南。甲午巡按御史常时平奏，至巡按御史王珩建立。见除教官。

#### 义州卫学

明一统志：在卫治西。南洪武二十一年建，正统八年重修。

辽东志：前代无考。大德间有加封先师碑。国朝正统间，即其旧址建立庙学。以后

守备施聚，都督王锴，参军韩辅、胡忠、崔贤、王京、张铭，御史刘切、张问行，相继修葺。庙貌森严，学舍宏丽。

#### 广宁中左屯卫学

明一统志：在中屯卫治西，正统年建。

辽东志：前代无考。正统元年，都御史李濬创建。成化间，于城隍祠得元加封先师碑，故知为文庙旧址，弘治间副使李贡、参将胡忠、备御孙镇，重修庙学，制度宏丽。时，乡人文贵，任陕西左布政，铸铜器爵供祀事焉。

#### 宁远卫学

明一统志：在卫治东，宣德五年建，景泰四年重修。

辽东志：前代无考。宣德五年，都指挥刘斌始建庙学。卫治东南。景泰癸酉，都督焦礼重修。成化间，御史王绅、陈宽，檄守备刘铭、备御刘璘，大加修葺。

宁举重修庙学记云：宁远旧本广宁前屯二卫地。宣德戊申，于此筑城置卫。其庙学虽创立于本卫治东南，但茅屋数间。景泰癸酉，都督焦公礼始易材而增修之。至成化丙午，都指挥王公铭更重修焉。历经且二十年，栋宇倾颓，而前屯庙学亦然。弘治癸亥夏六月，侍御史南康余公奉命来按治东辽。临其地首谒夫子庙，一展拜之余，遂慨然有一新之意。且病其基址尚隘，神路太促，更欲开拓之。命守备都指挥郭君振领其事，先发官赏各若干以为倡。盖郭君武弁中素著廉干者，因命。乃白于钦差巡抚都宪济南张公。公嘉而许之，郭君即锐意率作焉。凡百料作工食之费，悉出经画，不敛于众而自足。力役虽征于下，由平日能得众心，是以趋事者不告劳。易买民地南北三十丈许，东西半之。基址益以开阔，神路益以宽爽。复委百户金鉴董其役，兴事于秋首。向之倾颓者，皆撤而新之。未备者，皆增而置之。自正殿而下，东西为两庑。前为戟门，为泮池。泮池之上，为桥道。最前为棂星门。门之左右，各建坊扁，截然改观。由是庙貌学宫，盖将完美矣。未几，而郭君总戎河东，余公巡历满期。甲子秋八月，侍御史保定杨公奉命代至，视其前修有未备者，悉寄诸守备都指挥耿君贤而修理之，以终其事。耿君遂领命焉。凡所奇者，尽为整饰。但见殿宇凌空，金碧耀日，規制宏丽，杰然于山海之东。吾道增辉，士类吐气。今当落成之日，既而郭君谓：是役实关风化，不可无述取绘图式，乃寻遣指挥陈钺、科举生员李桂走币征焉。予亦乐闻盛事，义不容以不文辞。窃惟学校所以育人材，人材所以资治化，故学校乃临政者之先务。而吾夫子实万世斯道之宗主。颜、曾、思、孟以下诸贤，皆有功于斯道者。庙以安之，貌以像之，官家之恤祀报功，吾人之希贤仰圣，胥此焉赖。可坐视其敝而不加之意耶。肆惟我国家定制，两京皆立国学。府州卫邑亦皆立学。有学必有庙，虽穷荒绝塞亦所不略。意盖以此宁远，虽云边地，去关不二百里。山水秀发，钟而为人才。驰声科目，后先相望。今之士，覩官墙之壮丽，感上人之作兴，安知不从此而人才益盛乎。其前屯庙学增修成功，与是卫同一时。要之皆张公及余、杨二公之命，郭君成始，耿君成终之力也。予于是知诸公之用心，可谓急所先务。而郭、耿之能，可谓高出群类者矣。是役也，宪副太平李公，及金宪宁海王公，尝措赞助之。其功亦有不可没者。故撮其大概为记，以纪岁月云尔。若吾夫子道德功业载诸简编者，

前人亦既道之详矣，何敢赘言。

#### 前屯卫学

明一统志：在卫治西北，正统七年建。

辽东志：前代无考。旧在城西北隅。成化辛丑，御史王嵩废圆通寺址改建。御史陈宽，檄守备王铭、备御盛名，董役增展，庙貌巍然。弘治癸亥，御史余廉，复檄守备郭振、备御马翔、指挥邓德，建学舍，凿泮宫焉。

#### 三万卫学

明一统志：在卫治北。洪武二十五年，因旧基建，永乐四年重修。

辽东志：元有文庙旧址，在今三万卫北街，有大德加封碑记。洪武二十五年，始创草宇三楹。三十一年，开设学校。永乐四年，备御都指挥储钦仍旧址更建。成化二十二年，都指挥王远重修。

#### 铁岭卫学

明一统志：在卫治东南，正统元年建。辽东志：前代无考。

#### 沈阳中卫学

明一统志：在卫治西北，正统元年因旧学重建。辽东志：前代无考。正统二年，都御史李濬开设，在卫治东。后指挥田进、刘璘重加修葺。

#### 海州卫学

明一统志：在卫治西，洪武八年建，正统四年重修。

辽东志：洪武十八年，指挥刘成创建。宣德元年，迁城西门内。成化五年，副总兵郝斌、都指挥文宁重修。弘治五年，巡抚李公迁东南隅。

#### 盖州卫学

明一统志：在卫治南，洪武十六年建。

辽东志：前代无考。洪武癸亥，指挥吴立、张良佐创立。在卫治东南隅。

#### 復州卫学

明一统志：在卫治东南。洪武十八年建。正统元年徙于卫治西北。辽东志：前代无考。旧在城东南隅。洪武二十八年开设。正统元年，迁于城西北隅。备御都指挥李通建。指挥靳通重修。

#### 金州卫学

明一统志：在卫治南，正统元年建。辽东志：前代无考。洪武十七年，创建于卫治西南。正统二年，指挥左让迁于城东南隅。

#### 社学

续文献通考：洪武八年正月，诏天下立社学，曰：昔成周之世，家有塾，党有庠，故民无不知学。是以教化行，而风俗美。今京师及郡县皆有学，而乡社之民未覩教化。有司其更置社学，延师儒以教民间子弟，导民善俗，称朕意焉。于是乡社皆置学，令民间子弟兼读御制大诰及本朝律令。二十年，令社学子弟读诰律者，赴京礼部较其所诵多寡，次第给赏。英宗正统元年，诏有俊秀向学者，许补儒学生员。孝宗弘治十七年，令各府州县建

立社学，选择明师。民间幼童年十五以下者，送社读书，讲习冠、婚、丧、祭之礼然。其法久废浸不举行。计辽东社学二十五处，就今可考者，列述于后：

#### 辽阳左卫社学

在泰和街西，门楼一座，书堂三间。

#### 辽阳右卫社学

在肃清街北，门楼一座，书堂三间。

#### 辽阳中卫社学

在安定街西，门楼一座，书堂三间。

#### 辽阳前卫社学

在鼓楼西，门楼一座，书堂三间。

#### 辽阳后卫社学

在镇远街西，门楼一座，书堂三间。

#### 东宁卫社学

在卫治东，门楼一座，书堂三间。（以上各社学，俱御史杨滋建。）

广宁社学四。（俱巡抚潘珍建。）

其余各卫社学，随卫建立。

《奉天通志》卷一百四十九（责任编辑 洪深）

## 明 代 辽 东 书 院

书院之制，原为私人讲学之所，创始於唐玄宗。（玄宗置丽正书院集天下文学之士。）宋时乃有白鹿、石鼓、应天、嶽麓四大书院。元代因之，於各路府州并设书院。置山长一员，用敷教化。明太祖因元之旧，洪武元年立洙泗、尼山二书院，各设山长一人。宪宗成化二十年，命江西贵贡溪县重建象山书院。孝宗弘治元年，以吏部郎中周木言，修江南常熟县学道书院。武宗正德元年，江西按察司副使邵宝，奏修德化县濂溪书院。其时各省皆有书院，弗禁也。其在辽东者，有七书院，曰正学书院，（《辽东志》曰辽左书院）辽左习武书院，辽右书院，河西书院，（即《辽志》仰高书院）崇文书院，蒲阳书院，挹清书院。建筑年月及地址纪述于后：

### 正学书院

在都司西南。中厅三间，后厅三间，讲堂三间。东西号房各二十间，北号十一间。仪门三间，大门三间，西仓房三间，东教官房三间。弘治甲寅，御史樊祉粉建，名辽左书院。右参议杜整为之记。御史汪赐、刘成德、葛绘、杨百之、王重贤、常时平、曾铎相继修葺，作养人才。嘉靖乙丑，巡按御史李辅增建。刳其扁曰：正学书院。选拔各卫士之俊彦者，讲习於中。示科条给薪粟。日课月试，较其勤惰而辨其低昂。李辅，太仆寺少卿朱屏，各有记。

朱屏重修书院记云：书院记何，记书院之成也。成书院何，拔士之尤者，聚而养之



以人事君义也。闻有议毁之者，何子产不毁乡校？朱子创建白鹿洞，迄於今頌之不衰。况远人来於文德之修乎。夫辽自作书院，彬彬然得人之盛，树勋业於中外者，历历可数。是可毁也，孰不可毁也！考厥址在城西南隅，弘治甲寅，柱史南阳樊公创焉，日久湮废。嘉靖乙未，江都曾公修饰如初。甲辰，慈谿刘公拓地增建号宇十一间，取弟子员六十有九人，以南昌苑马寺卿张子整提调之。乙巳冬十月，金陵秋渠张公，以翰苑储器秉钺至，大剔吏治，百度维新。复试集弟子员八十人。乃命都阃刘子通董其事，迺广东西地四十六丈，建号宇各二联，后址二联，共八十四间，容弟子员百人有奇。旧时多士供给，取诸贖刑钱谷，似非经久计。公乃谕分守大兴荣子恺暨刘子通检各卫起科地，二百三十顷五十一亩，岁输谷六百九十三石三斗七升，输折色银九十六两八钱。又清出纳银余丁一百六十六名，共输银五十一两七钱。及汤站之税，计其入者无定数。咸输於书院仓库，择指挥一员领之。器具馆夫门役，罔不周悉。我公造士之心其盛矣乎。嗚乎！维垣平平然矣，维门将将然矣，维堂巍巍然矣，维号宇仓库翼翼然矣，维庠廩陈陈然矣。二三子沐公循循然之教，其曷以答公哉。傅曰：学犹植也，不学将落。其自植之，勿若学。宇然颓落，而待植也。孙子记学曰：荆蓝之璞，其在於斯，其自韞哉，以待价哉，为圭为璋斯可矣；若旷而弗居，舍而弗由，不鹿豕其场则榛芜其地，是弃其植坏其宝也。嗚乎！是岂徒貽执政者之羞。

#### 辽左习武书院

在都司西北。中堂五间，东西号房各十间，观德厅三间，箭楼一座，大门三间，武弁群英坊一。嘉靖戊子，巡按御史王重贤创建。甲子巡按御史李辅重修，增建号房十间。取本科乡试武举群居其中。定会试程，优以供给，俾各娴习骑射，精通韬略。乙丑会试中式二十人。嘉靖辛酉，巡按御史王德春重修，陈暹有记。陈暹重建辽阳武书院记云：暹尝谓人才之生，必聚而后见，养而后成。有所观感而后奋。彼其涣然而处。即有贤者、材者，固与庸众人不异。而养之不予，即贤且材者，亦或拘於风气，染于积习，而业不精，又何望于中人之性。观感兴起，翕然思奋，以期适用也耶。辽左古称多才之地，勋庸相望，载籍具存。迺来科学罕征，韬铃鲜绩者，此其故何也？聚之未能，养之不予，而倡率观感之机或废焉耳。嘉靖庚申冬，安邑仁菴王公，奉命按辽，既劾臬官邪察举吏治矣，尤拳拳以作兴人材为务。明年，乃下令大修学宫。已又择诸士雋异者，养之于辽阳书院。给以廩饩，躬为课督。于是诸士人各自奋，翕然向方德业，艺文彬彬然盛矣。已又於暇日，按古迹得武书院遗址于城之西北隅。鞠为茂草，瓦砾山积，颓垣圯阶，殆不可辨。公乃喟然谓暹曰：文武二途，粤为国纪，而储养造就人才斯盛。兴废起敝，非余与二三大夫之责也乎。乃出贖金若干，谓带分守金宪王君可立曰：君为余画其可。谓副总兵黑君春曰：君为余总其成。遂以今年七月之吉兴工，以武举镇抚王惟屏理其事，而又申命都司曹君助左右之焉。咸奉命惟谨，再阅月而工告成。外为大门三间，门内为坊一，题曰：武俊联辉。列嘉靖历科会武名其上。坊北为箭道，长二百步有奇，广十之一。道尽为揖让堂，盖取射礼、雍容尚德之义。堂前列碑亭者二：右则备载登国朝会武名次，以纪全辽武俊之盛，而示劝於后；左则勒修武书院，以纪日纪事也。道东